
Янги давлат хизматлари жорий этилди

Вилоят давлат хизматлари агентлиги бошқармаси мажлислар залида аҳолига давлат хизматлари кўрсатишнинг миллий тизимини янада такомиллаштиришга бағишланган анжуман бўлиб ўтди.

Таъкидланганидек, жорий йилнинг 7 ойи давомида давлат хизматлари марказларига турли соҳалардан 189452 та мурожаатлар келиб тушган. Ўтган давр мобайнида 917 та мурожаат рад этилганлиги ва 629 тасини кўриб чиқиш муддатлари бузилганлиги аниқланган.

Ўзбекистон Республикаси Президентининг “Аҳолига давлат хизматлари кўрсатишнинг миллий тизимини тубдан ислоҳ қилиш чора-тадбирлари тўғрисида”ги Фармонида асосан жорий йилнинг 1 сентябридан қуйидаги давлат хизматлари кўрсатилади. Адлия органлари ва муассасаларидан чиқадиган расмий ҳужжатларга апостиль қўйиш, туғилганликни қайд этиш, судланганлик, жисмоний шахс-солиқ тўловчининг солиқ ва бошқа қарзи йўқлиги (борлиги) ҳақида маълумот, ФХДЁ ва нотариат органлари томонидан архив ҳужжатларини ҳамда жисмоний шахсларга СТИР бериш сингари хизматлар шулар жумласидандир.

Худудлардаги давлат хизматлари марказлари орқали ушбу янги хизмат турлари қабул қилиниши бошланганидан сўнг ваколатли органлар томонидан фуқаролардан тўғридан тўғри ҳужжатлар қабул қилиниши қатъиян ман этилади. Бу тартиб бузилганида эса, ваколатли органлар мансабдор шахсларига нисбатан маъмурий жавобгарлик чоралари қўлланилади.

Илмий-амалий анжуманда иштирокчилар ўзларини қизиқтирган саволларга жавоб олдилар. Мутахассисларга керакли тушунча ва тавсиялар берилди.

Баҳодир ХОЛМАТОВ.

2018-09-05 12:19:56